

四庫全書

史部

欽定四庫全書

欽定歷代職官表卷六十三

各處駐劄大臣表

[illegible]

伐

漢

後漢

漢三國

五

梁宋

陳彥
北

魏

齊

後周

隋

唐

五

宋

藥

金

五

九

護劍奴
中郎將

單丰制
覆府副
天都提

度使
元帥府
和林行
尚書省

和材行
尚書省

烏里雅蘇台參贊大臣 科布多參贊大臣

護軍副都統

單于都統副都統

單于都統副都統

都統副使

都統副使

副都統	阿爾泰烏里海洋散秩大臣
-----	-------------

欽定歷代職官表

[illegible]

統都副城化歸軍將城遠綏員司圖克恰

副校尉
護尉奴

使尉奴都督
中印將的奴校中印將

市印將
護尉奴

張達
五市監
市監

都護
護尉奴
市印將

都護
護尉奴
市印將

統都爾哈察官諸下以領協尉守城衛右

推河叔
從事
西河故
吏

官諸下以領叅

晉

總

副都統

欽定四庫全書

卷六十三

拔充校尉
和州將
軍魚護中郎將

光棍樹

西戎中
郎將
獲西羌
校尉

西成校厨

梁甘恩
劉元帥
府

更節表

木司

式	帖	筆	員	司
---	---	---	---	---

式	帖	筆	員	司	臣大事辦藏西
---	---	---	---	---	--------

欽定歷代職官表

五

高麗
鄭元帥
府

各處駐劄大臣

國朝官制

喀爾喀軍營定邊左副將軍一人烏里雅蘇台叅贊大臣一人科布多叅贊大臣一人

掌喀爾喀四部之軍政凡四部會盟叅贊大臣間歲分往會覈稽其邊防軍實之事統聽左副將軍裁決具疏以

聞

阿爾泰烏里洋海散秩大臣二人副都統一人總管四人
佐領二十七人驍騎校二十七人

庫倫辦事大臣一人司員一人

掌鄂羅斯之往來明其禁令司員掌庫倫貿易諸
務稽察奸宄平其爭訟

謹案乾隆四十九年正月奉

旨增派大臣二人同辦庫倫事務係出

特簡不在定制之內故不列為額缺

分駐恰克圖辦事司員一人

掌鄂羅斯貿易諸務聽節制於庫倫大臣

綏遠城將軍一人協領五人佐領二十人防禦二十人
驍騎校二十人

兼管歸化城土默特

歸化城土默特副都統一人叅領十人佐領四十九人
掌歸化城土默特之軍政以時巡閱邊防編審戶

冊

右衛城守尉一人防禦四人驍騎校四人

遊牧察哈爾都統一人副都統一人八旗遊牧滿洲理事官九人八旗蒙古理事官八人護理都統關防筆帖式二人護理軍站印務筆帖式一人八旗總管八人叅領八人副叅領八人佐領一百一十一人驍騎校一百一十七人護軍校一百一十七人捕盜六品官三人

掌察哈爾之軍政東西各分四旗西四旗在山西多倫諾爾境東四旗則熱河道所屬境也

西寧辦事大臣一人司員一人筆帖式三人

掌西寧之軍政凡青海三十六旗之會盟一如喀爾喀四部之制間歲舉行聽

簡命大臣裁決具疏以

聞

西藏辦事大臣二人司員一人筆帖式一人

掌西藏之政令凡噶卜倫代貢第巴堪布皆屬焉

有事則與達賴喇嘛定其賞罰由

特旨簡派三年更代

歷代建置

謹案三代以上疆域止於九州荒服以外聽其
去來聲教所及僅通朝貢而已三代以下漸事
邊防其關塞重鎮多在西北然不過雲中朔方
諸地列戍控扼即張家口歸化城外已為甌脫
若喀爾喀青海西藏則皆視為絕域豈復能建
官分職以鎮其土地馭其人民哉載稽前史漢

武帝時始開河西四郡通道玉門于是置護羌校尉其幽并以外則不能踰越長城也光武而後始置護匈奴中郎將沿及魏晉仍而不改亦皆局促塞下未遑遠馭唐太宗平突厥西北諸蕃稍稍內屬即其部落別置州縣其大者為都督府以其首領為都督刺史皆得世襲所謂羈縻州也至宋而北阻于遼西阻于夏禹迹所經且多為異域長城以外更不待言矣唯元太祖

起自和林盡取漠南山北諸地世祖又定吐蕃
各置中書行省及宣慰等使比於諸路稱為極
盛至明而北棄大寧西失河套雖僅僅較勝于
宋而狹隘抑亦太甚焉我

國朝聲教旁通無遠弗届蒙古北部喀爾喀三汗
同時納貢厥後朔漠蕩平庇我宇下與漠南諸
部相等承平以來懷柔益遠北踰瀚海西絕羌
荒西藏青海諸地並入版圖諸部君長稽首偕

來畫疆置吏有如內地於是統之以重臣監之
以分司內外相維大小咸秩凡諸部族莫不自
幸為躬游

聖世循職典屬伏考喀爾喀諸部于漢為單于故壤
於唐為突厥其後為回紇于元為漠北諸部西
寧所屬即漢以來之西海渾羌諸地西藏即吐
蕃地歸化城察哈爾即古雲中定襄以北地謹
詳稽前代職官擇其稍近今制者條其梗概具

列如左其互市諸司置於緣邊諸境與今庫倫
恰克圖諸官所掌相類者並附著于篇

三代

未置

秦

未置

漢

後漢書百官志護羌校尉一人比二千石主西羌
謹案漢武帝時將軍李息郎中令徐自為將兵
十萬人擊平先零始置護羌校尉持節統領趙

充國傳詔舉可護羌校尉者五府舉辛武賢小弟湯趙充國舉湯兄臨衆是也其屬有擁節長史一人司馬二人皆六百石先零諸羌在今為青海諸部地是護羌校尉固畧如今西寧辦事大臣也

漢書匈奴列傳漢遣長樂衛尉高昌侯董忠車騎都尉韓昌將騎萬六千送單于出朔方雞鹿塞詔忠等留衛單于助誅不服

謹案漢單于舊境自歸化城土默特張家口察
哈爾至喀爾喀諸部皆在其內長樂衛尉車騎
都尉雖皆典司中禁非邊外之職然留衛單于
則實如今制之駐劄藩部仍帶京銜故其官雖
不列于表而特錄其事以著緣起焉

後漢書百官志使匈奴中郎將一人比二千石主
護南單于置從事二人有事隨事增之掾隨事為
員

後漢書南匈奴列傳建武二十六年遣中郎將段
郴副校尉王郁使南單于南單于遣子入侍令中
郎將置安集掾史將弛刑五千人持弓弩隨單于
所處叅詞訟察動靜冬復詔單于徙西河美稷因
使中郎將段郴及副校尉王郁留西河擁護之為
設官府從事掾史令西河長史歲將騎二千弛刑
五百人助中郎將護衛單于

袁宏後漢紀順帝紀永建五年十一月遣匈奴中

郎將討南匈奴漢安二年匈奴中郎將馬實有功
于邊詔書褒獎賜錢十萬西羌之難王暢薦實于
執事由是為匈奴中郎將桓帝紀元嘉九年鮮卑
烏孫寇邊匈奴中郎將張奐擊降之靈帝紀建寧
六年田晏為鮮卑中郎將與匈奴中郎將臧旻擊
南單于三道並進

武經總要皇甫規為中郎將持節監討零吾等羌
會軍大疾死者十三四規親入菴廬巡視將士三

軍感悅東羌遂使乞降

謹案後漢以段郴王郁留西河擁護單于此亦
沿董忠韓昌之故事然司馬彪列其職於百官
志且載其屬吏蓋至是而制乃加詳矣至馬實
張奐田晏等並以匈奴中郎將帥師征討是有
事亦可用為將帥然皆以綏遠為職也

後漢書西羌列傳建武九年司徒掾班彪上言舊
制涼州部置護羌校尉持節領護理其怨結歲時

循行問所疾苦又數遣使譯通動靜使塞外羌夷
為吏耳目州郡因此可得儆備今宜復如舊以明
威防光武從之

後漢紀章帝紀元和三年十月西羌寇張掖隴西
金城護羌校尉傅育擊走之順帝紀永建四年第
五訪後為南陽太守護羌烏桓校尉桓帝紀元嘉
二年西戎犯塞護羌校尉段熲討之三年羌寇張
掖護羌校尉段熲討之

酈道元水經注延熹二年西羌燒當犯塞護羌校尉段熲討之追出塞至積石山斬首而還○永元五年貫友代聶尚為護羌校尉攻迷唐斬獲八百餘級○湟水又東逕赤城北而東入經戎峽口右合羌水出西南山下逕護羌城東故護羌校尉治宋田錫論邊事疏光武時西戎犯塞班彪請置護羌校尉通其貨之有無治其人之冤枉塞垣遂安謹案建武以來燒當諸羌常居大小榆谷土地

肥美又有西海魚鹽之利緣山濱水易以為非
故安集諸羌最為慎重班彪所陳曲盡事理然
所云譯通動靜為吏耳目可得儆備則專以防
察為職在當時羣羌叛服不常不得不爾以視
聖朝疆理撫綏之制不可同年而語矣

後漢書明帝本紀永平八年三月初置度遼將軍
屯五原曼柏冬十月丙子詔三公募郡國中都官
死罪繫囚減罪一等詣度遼將軍營屯朔方五原

之邊縣耿國列傳匈奴與鞬日逐王比自立為呼
韓邪單于款塞稱藩願扞北虜議者以為不可許
國獨曰宜如孝宣故事受之帝從其議遂立為南
單于又上言宜置度遼將軍左右校尉屯五原永
平元年卒官顯宗追德國言遂置度遼將軍左右
校尉

謹案續漢百官志明帝初置度遼將軍以衛南
單于衆新降有二心者後數不安遂為常守然

則度遼將軍之衛南單于與匈奴中郎將之護南單于職畧相近耿秉傳建初元年拜度遼將軍視事七年匈奴懷其恩信鮮卑傳元初六年秋鮮卑入馬城塞度遼將軍鄧訓發積射士三千人追擊大破之是度遼將軍兼主匈奴單于鮮卑諸部之事也與使匈奴中郎將職守全同又考皇甫規傳規拜度遼將軍至營數月薦張奐自代從之規為使匈奴中郎將張奐傳延熹

九年夏拜護匈奴中郎將以九卿秩督幽并涼
三州及度遼烏桓二營則是匈奴中郎將又得
兼轄度遼營也蓋二職並重而匈奴中郎將秩
似更優然考橋元傳元為度遼將軍假黃鉞則
位亦特崇與今之駐劄大臣大畧相合而寵榮
稍踰分矣

三國

杜佑通典魏第四品諸匈奴護羌等校尉

謹案唐六典魏黃初二年始置都督諸州軍事
或領鎮戍總夷校尉則校尉乃都督兼銜非如
前代之設為專官也又考魏志鄧艾領東羌校
尉似于護羌校尉之外別為一官者華陽國志
晉何攀轉東羌校尉蓋魏晉之間又有此名

晉

常璩華陽國志晉太康三年更以益梁州為輕車
刺史乘傳奏事以蜀多羌夷置西夷府以平吳軍司馬張

牧為校尉持節統兵州別立治西夷治蜀各置長
史司馬

李吉甫元和郡縣志晉惠帝永寧元年以張軌為
刺史持節領護羌校尉

晉書職官志護匈奴羌戎蠻夷越中郎將武帝置
四中郎將或領刺史或持節為之

宋齊梁陳

宋書百官志西戎校尉

南齊書百官志護西戎校尉護羌校尉

隋書百官志梁制北涼南秦置西戎校尉南秦涼
州置平戎校尉

謹案宋齊及梁承魏晉之後官制無大改易其
時土宇偏安遠略不及雖官名猶存皆因仍故
事而無其實也如北涼南秦等皆係今之內地
與今駐劄大臣其事迥異故節錄史文而不列
于表

北魏

北魏書官氏志護匈奴羗戎中郎將護羗戎校尉
謹案北魏太和中詔羣僚議定百官以四夷中
郎將為三品中四夷校尉為三品下至世宗朝
皆改為從三品視宋齊之秩稍為優重如太武
拜楊難當為護西羗校尉孝文拜伏連籌為西
戎中郎將亦如今制或以藩部台吉領將軍大
臣事也

北齊

未置

後周

未置

隋

隋書百官志緣邊交市監置監副監各一人

謹案隋開皇中突厥請緣邊置市與中國貿易

故置交市監隸諸州管轄考自漢時已與單于

通市北魏又與庫莫奚貿易則設官當不自隋

始隋志始著其職耳今庫倫恰克圖司官掌貿

易之政與古之交易監略為相髣而幅幘所暨
境地綿濶則迥非前代之所及矣

鄭樵通志煬帝時遣侍御史韋節司隸從事杜行
滿使於西國復令聞喜公裴矩于武威張掖間往
來以引致之大業中相率來朝者四十餘國因置
西戎校尉以應接之

謹案此西戎校尉蓋為西域諸國而設然駐于
邊境不至西域則畧如今西寧大臣矣

唐

通典唐永徽中始于邊防置四大都護府後又加單于都護府府置大都護一人副一人副都護二人長史司馬各一人

謹案唐會要安北單于為大都護北庭為中都護而新唐書地理志則皆為大都護開元四年除鄯王為安北大都護十五年除忠王為單于大都護自後皆以親王遙領而副大都護則兼

王府長史主都護之政蓋即今左副將軍及辦事大臣之職其屬自長史司馬而外又有錄事叅軍事一人功曹叅軍事倉曹叅軍事戶曹叅軍事兵曹叅軍事法曹叅軍事各一人叅軍事三人俱見百官志

新唐書地理志安北大都護府本燕然都護府龍朔三年曰瀚海都護府總章二年更名開元二年治中受降城十年徙治豐勝二州之境十二年徙

治天德軍單于大都護府本雲中都護府龍朔三年置麟德元年更名車鼻可汗傳永徽元年九月八日庚子高宗遣右騎衛中郎將高侃伐車鼻可汗擒之獻于武德殿以其衆處鬱督軍山建新黎州使領其衆置狼山都督府以統之于是突厥盡為封疆臣矣始置單于瀚海二都護府單于領狼山雲中桑乾三都護蘇農等二十四州瀚海都護府領瀚海金微新黎等七都督仙萼賀蘭等八州

即擢酋領為都督刺史龍朔三年二月改燕然為
瀚海都護府領回紇徙故瀚海都護府于古雲中
城號雲中都護府磧以北蕃州悉隸瀚海南隸雲
中雲中者義成公主所居也頡利滅李靖徙突厥
羸破三百帳居之以阿史德氏為之長衆稍盛麟
德元年正月甲子即建言願以諸王為可汗遙領
之帝曰今可汗古單于也乃更雲中府為單于大
都護府以殷王為單于都護

唐會要麟德元年正月十六日甲子勅改單于大都護府以殷王遙領垂拱二年改為鎮守使聖歷元年五月六日改為安北都護開元二年閏二月五日復置單于都護府移安北都護于中受降城天寶四載十月單于都護府置金河縣

武經總要入三受降城路自州北九十里入朔州西界又三十里至朔州又三百四十里至單于都護府號振武軍又西北二十里至東受降城又西

二百里安北都護府至中受降城

謹案唐貞觀初鐵勒諸部內附置六都督七州
各以其首領為都督刺史即故單于臺置燕然
都護府統之其後改燕然都護府為瀚海移都
護府于回紇部落其舊瀚海府移置雲中古城
改名雲中都護府至總章初始改瀚海都護府
為安北都護府如鴻臚少卿朔方軍副大總管
王駿魚安北大都護府也以今考之瀚海燕然

在今喀爾喀四部境內雲中所治即今歸化城
及察哈爾諸境所云豐勝二州即今歸化六廳
兼有蒙古內札薩克諸旗之地也壤地相錯以
今準古略有可溯故並著于篇

新唐書百官志互市監每監監一人從六品下丞
一人正八品下掌蕃國交易之事

謹案隋以監隸四方館唐隸少府貞觀六年改
交市曰互市監副監曰丞垂拱元年復改曰通

市監蓋即因隋制而為之也

五季

未置

宋

未置

馬端臨文獻通考北蕃在太祖時雖聽緣邊市易而未有官署太平興國二年始令鎮易雄霸滄州各置榷務命常叅官與內侍同掌

謹案宋以常叅官理緣邊榷務即今司員之職疆域雖殊職掌頗合故因隋唐交市監而類及

之至必令內侍同掌則其弊滋甚不足論矣

遼

遼史百官志西南面安撫使司西南面都招討司

西南邊大詳衮

解見新
疆篇

司西南面烏雅

蒙古語白
鯢魚也原

作五押今從八旗
姓氏通譜改正

招討司西南路巡察司西南面

巡檢司西南面伊喇

滿洲語泰也原作拽刺今
從八旗姓氏通譜改正

司

山北路都部署司金肅軍都部署司南王府北王

府伊賞

解見八旗
都統篇

王府山金司

已上西京諸
路控制西夏

西南

面節制司西南面都統軍司

已上西南
邊諸司

山西兵馬

都統軍司西路招討使司西邊大詳衮司四蕃都

軍所夏州管內蕃落使倒塌嶺統軍司倒塌嶺節

制使司塌西節度使司塌母城節度使司

已上西
蕃諸司

謹案遼史兵衛志遼屬國可紀者五十有九有

事則遣使征兵不從者討之故北面邊防官最

為詳備第名目猥多史臣不能盡悉今舉其可

知者節度使司有使有副使同知司馬判官掌

書記衙官都統軍司有使有副使都監都部署
司有都部署有副部署都監判官都指揮司有
使有副使都監招討使司有使有監軍詳衮司
有詳衮有都監將軍小將軍巡檢司有巡檢同
巡檢大抵如唐宋節度使及經畧安撫使之制
而所領諸地則兼有今朔漠西羌諸部與今駐
劄大臣頗相類也

金

金史百官志諸部族節度使節度使一員從三品

統制各部鎮撫諸軍餘同州節度副使一員從五

品判官一員知法一員司吏四人女直漢人各半

通事一人譯人一人塔馬

解見八旗都統篇

右博勒和

滿洲

語潔淨也原作
部羅火今改

部族特哩袞

蒙古語頭也原作土魯渾今改

部族

並依此置

謹案金制部長曰貝勒

解見八旗都統篇

統數部者曰

呼魯

滿洲語手背也原作忽魯今改

其後倣宋遼之制俱改曰

節度使蓋以綜理藩屬非如唐代內地之節度

使也地理志部族節度使有烏克蘇喇

滿洲語支派中

之一支也原作烏昆神魯今改

有烏庫哩

原作烏古里今從八旗姓氏通譜改正

有實壘

蒙古語土也原作石壘今改

有珠嚕

滿洲語雙也原作助魯今改

有伯特

滿洲語才力不及之謂也原作字特今改

有奇嚕

滿洲語小旗也原作

計魯今改

有唐古即博勒和也有德呀勒

索倫語臉也原作迪

烈今改正

即特哩袞也明昌三年罷烏克蘇喇節度

使以招討司兼領云

金史百官志諸紉詳袞詳袞一員從五品掌守戍

邊堡餘同穆昆

解見理藩院篇

皇統八年六月設本班左

右詳袞定為從五品黠濟格

滿洲語信息也原作廣忽今改

一員

從八品掌貳詳袞司吏三人實訥昆

解見八旗都統篇

掌

本紉差役等事茂

滿洲語樹也原作咩今改

紉伊喇穆騰

滿洲語才

能也原作木典今改

古勒敦

滿洲語城門洞也原作骨典今改

舒嚕

滿洲語珊瑚也

原作失魯今改

紉並依此置惟舒嚕添設譯人一名○諸

額爾奇木

蒙古語尊貴也原作移里董今改

司額爾奇木一員從

八品分掌部族村寨事司吏女直一人漢人一人
實訥昆掌本差役等事塔馬特哩衮部族南北額
爾奇木司依此置博勒和部族左右額爾奇木司
置女直司吏一人○諸圖哩解見八旗都統篇圖哩一員
從七品掌部落詞訟訪察違背等事女直司吏一
人通事一人

謹案金皇統中羣僚議定官制惟詳衮等官尚
仍遼舊貞祐中改茂詳衮為明安解見理藩院篇穆騰

古勒敦詳衮為穆衮餘如舊額蓋以詳衮比唐之司馬額爾奇木比唐之叅軍圖哩比唐之錄

事也又地理志諸詳衮有呼敦

滿洲語速也原作胡都今改

哈瑪爾

蒙古語行圍前引人也原作霞馬今改

而無舒嚕與百官

志異

元

元史百官志吐蕃等處宣慰使司都元帥府○禮店文州蒙古漢軍西蕃軍民元帥府○吐蕃等處

招討使司○朶甘思田地裏管軍民都元帥府○

喇嘛綱

喇嘛者僧也綱山岡也原作刺馬兒刪今改

等處招討使司○

本布

唐古特語道士也原作奔不今改

招討使司○六番招討使

司○天全招討使司○朶甘思招討使司○烏思

藏納喇蘇

蒙古語松樹也原作納里速今改

古魯蘇

蒙古語獸也原作魯孫今

改等三路宣慰使司都元帥府

謹案吐蕃等處宣慰使司有使有同知有副使

都元帥府有都元帥副元帥元帥府有達魯噶

齊

解見戶部篇

有元帥安撫司有達魯噶齊有使有

同知有副使有僉事其員數多寡不齊大率與諸路等元史釋老傳云元起朔方固已崇尚釋教及得西域世祖思因其俗而柔其人仍郡縣吐蕃之地設官分職而領之于帝師其自帥臣以下皆僧俗並用軍民統攝于是帝師之命與誥勅並行于西土今考吐蕃烏斯藏為今之西藏地朶甘思為今之青海地都元帥府則如今

之辦事大臣也

元史地理志和寧路始名和林太祖建都于此前
後五朝都焉世祖中統元年遷都大興置和林宣
慰司都元帥府大德十一年置和林總管府至大
二年改為行尚書省皇慶元年改為和寧路總管
府

謹案一統志稱喀爾喀部即元和寧路元所從
興也考和寧自中統遷都以後即立宣慰司其

後總管之置行尚書省之設則皆以內地之職治之官制與今不同唯宣慰元帥與吐蕃朵甘思部相同則與今制有適相符合者矣

明

未置

謹案明史西蕃列傳洪武四年遣西寧州同知李喃哥等招撫其酋長乃改西寧州為衛以喃哥為指揮帝以西蕃產馬與之互市馬至漸多而其所用之貨與中國異自後馬至者少患之

八年命中官趙成齋羅綺綾絹并巴茶往河州
市之馬稍集率厚其值以償成又宣諭德意蕃
人感悅十六年青海酋長史刺巴等七人來歸
賜文綺時岷州亦設衛蕃人歲以馬易茶馬日
蕃息考西寧即古湟中其西四百里有青海又
曰西海水草豐美蕃人環居之專務畜牧明太
祖甫定關中即建重鎮于甘肅又設西寧等四
衛土官與漢官叅治令之世守且多置茶課司

蕃人得以馬易茶而部族之長亦許其歲時朝貢然無重臣以蒞治之故邊吏往往失防蕃人多被剽殺而中國市馬亦鮮至則特羈縻而已又烏斯藏列傳洪武初太祖遣使招諭又遣陝西行省員外郎許允德使其地令舉元故官赴京授職二年上所舉故官六十人帝悉授以職亦未能治以王官也厥後青海為海寇所侵跳梁日甚西藏尤隔絕而不通益不足言矣至河

套以外即為蒙古所據察哈爾喀爾喀諸地終
明之世未能得其要領蓋武備不修邊防無術
故遠者偃蹇不恭近者遂操戈而內向積弱之
勢非一朝一夕之故矣統觀前代之失然後知
聖朝規模鴻遠能使八荒以外如戶庭之密邇萬里
之遙如臂指之維繫

德威遠播疆域敕寧為自有天地以來所未之見也

欽定歷代職官表卷六十三

欽定四庫全書

史部

欽定歷代職官表卷六十四

五四

御史_臣徐如澍覆勘

纂修兼校勘內閣中書_臣張經田

謄錄監生_臣張廷琛

次國王宋
小國王
小國王

新王

胡王

聖

聖

型

聖

14027

811

邵子

安班貝勒 倫貝勒 呼魯貝勒 愛齊貝勒

鎮國輔公國不_八分鎮國公不_八分輔國公

縣侯
鄉侯
亭侯

縣侯
鄉侯
亭侯

魏公
鄉侯
亭侯
縣侯
吳侯
縣侯
鄉侯

公侯伯子男

公侯

公侯伯子男

公侯

公

公

國公
郡公

國公
郡公
縣侯
鄉侯
亭侯
男子

國公

國公

欽定歷代職官表

二

昭

鎮國將軍輔國將軍奉國將軍恩將軍

奉國上將軍
鎮國上將軍
輔國上將軍
恩將軍

鎮國將軍
輔國將軍
恩將軍
奉國中將軍
鎮國中將軍
輔國中將軍
恩將軍

宗室封爵

國朝

宗室封爵十有四等一和碩親王二世子三多羅郡王
四長子五多羅貝勒六固山貝子七鎮國公八輔國公
九不入八分鎮國公十不入八分輔國公十一鎮國將
軍十二輔國將軍十三奉國將軍十四奉恩將軍

天演宗派以

顯祖宣皇帝本支為宗室伯叔兄弟之支為覺羅宗室東

金黃帶覺羅東紅帶諸王授封以素行為封號和
碩親王親王世子皆金寶龜紐多羅郡王飾金銀
印麒麟紐

皇子生十五歲由宗人府請封其爵級出自

欽定親王郡王適福晉所生子二十歲後由宗人府請
考試親王適子奉

特旨始封世子其未封世子者與餘子同授封爵餘子

考授不入八分公

天命年間立八和碩貝勒共議
國政各置官屬凡朝會燕饗皆

異其禮 賜賚必均 及是為八分 其有功加郡
至貝子准入八分 如有過降至公 仍不入八分

王適子奉

特旨始封長子其未封長子者亦與餘子同授封爵餘
子考授一等鎮國將軍貝子勒適子降襲貝子餘子
考授二等鎮國將軍貝子適子降襲鎮國公餘子
考授三等鎮國將軍鎮國公適子降襲輔國公餘
子考授一等輔國將軍輔國公適子世襲餘子考
授二等輔國將軍不入八分鎮國公適子降襲不

入八分輔國公不入八分輔國公適子降襲三等
鎮國將軍餘子均考授三等輔國將軍一二三等
鎮國將軍適子各降襲一二三等輔國將軍餘子
均考授三等輔國將軍一二三等輔國將軍適子
各降襲一二三等奉國將軍餘子均考授三等奉
國將軍一二三等奉國將軍適子均降襲奉恩將
軍餘子均考授奉恩將軍其奉恩將軍既無可降
之品級將奉恩將軍適妻所生子但准一子考試

承襲奉恩將軍餘子停封為閒散宗室酌量人才
優者奏請考試准食雲騎尉俸凡王爵由軍功得
者世襲罔替由恩封者以次遞降以功加封者自
奉恩將軍遞加一等至和碩親王親王有功酌賞
金銀其以過降封者自和碩親王遞降一等至奉
恩將軍無可降則為閒散宗室康熙二十七年定
考試法王貝勒以下至奉恩將軍之子應授封者
考試國語及馬步射優者封應得之爵平者降一

等劣者降二等封授乾隆八年定親王側福晉子
考授二等鎮國將軍郡王側福晉子考授三等鎮
國將軍貝勒側室子考授一等輔國將軍貝子側
室子考授二等輔國將軍鎮國公側室子考授三
等輔國將軍輔國公側室子考授一等奉國將軍
親王妾媵子考授三等輔國將軍郡王妾媵子考
授三等奉國將軍貝勒貝子妾媵子均考授奉恩
將軍其餘妾婢所生子為閒散宗室不授封十一

年定考試法其學業平庸者降等封授奉恩將軍
無級可降如考試降等仍授奉恩將軍停俸三年
又定世子之適子

恩封不入八分公如未

恩封與餘子同授封爵餘子考授一等鎮國將軍側福
晉子考授三等鎮國將軍妾媵子考授三等奉國
將軍長子之適子

恩封一等鎮國將軍如未

恩封亦與餘子同授封爵餘子考授二等鎮國將軍側
福晉子考授一等輔國將軍妾媵子考授奉恩將
軍三十九年又定親王世爵遞降之法親王遞降
至鎮國公郡王遞降至輔國公貝勒遞降至未入
八分鎮國公貝子遞降至未入八分輔國公鎮國
公遞降至一等鎮國將軍輔國公遞降至一等輔
國將軍俱世襲罔替四十七年奉

旨王貝勒貝子公之子嗣及宗室年已及歲者俱照蒙

古王公台吉塔布囊之例分別給與三四品頂帶
歷代建置

謹案自三代盛王莫不封建宗室以為藩屏後
世分王子弟法制相沿為建國之首務然或泥
于古而不知裁制或襲其名而徒事虛文流弊
不同而其失均也漢鑒秦孤立之弊封樹子弟
裂土分茅諸侯王大者至據名城數十尾大不
掉遂啟七國之變晉代懲魏之失分封諸王各

予國兵跨州連郡其後八王構亂骨肉相殘至
傾國祚明太祖不鑒前轍封諸子於外皆在沿
邊險要之地厚給護衛以致燕王生心奪嫡甫
一傳而變起蕭牆其失在於封植太過漢景帝
始謀弱諸侯王減削其官武帝從主父偃之謀
令王國分邑以侯子弟作左官之律設附益之
條諸侯惟得衣租食稅不與政事光武中興無
變前制魏文猜防諸弟雖有王侯之號不得比

於匹夫南北朝諸王皆在京師其出典方鎮者
率受制於籤帥至衣食不得自主唐代諸王有
授節度大使兵馬元帥者亦僅屬虛名諸嗣王
雖襲舊封授官僅得別駕司馬而中葉以後諸
王多不出閭宋氏爵不世襲恩無旁推諸王子
孫再傳僅得三班奉職已同凡庶明自永樂以
後各王府雖列置諸州禁防至嚴督撫以及府
縣官皆得緣事侵刻其失又在于禁約太甚要

皆泥於封建之說而無以善處之故于睦族敦本之道皆未有能得其中者我

朝縣瓊瓜之緒篤行葦之仁封爵世及列邸京師而庸勲親親並行不悖仁至義盡實為曠古之所未有考宗室王公封爵雖與官制不同而列代史志及杜氏通典皆系之職官一門今從其體例詳加詮次由今溯古庶于往代展親厚薄之殊得以考鏡得失益以見

國家敦敘宗支興仁迪教度越前代所由以廣一
世仁讓之風而鞏億載磐石之固也

三代

史記禹本紀禹為姁姓其後分封用國為姓故有
夏后氏有扈氏有男氏斟尋氏彤城氏褒氏費氏
杞氏鄫氏辛氏冥氏斟氏戈氏殷本紀殷為子姓
其後分封以國為姓有殷氏來氏宋氏空桐氏稚

氏北殷氏

司馬貞索隱系本作髦氏又有時氏蕭
氏黎氏然北殷氏蓋秦寧公所伐亳王

湯之後也
目夷氏

春秋左氏僖公五年傳宮之奇曰太伯虞仲太王之昭也虢仲虢叔王季之穆也僖公二十四年傳管蔡邠霍魯衛毛聃邠雍曹滕畢原鄆郇文之昭也邠晉應韓武之穆也凡蔣邢茅胙祭周公之胤也襄公二十九年傳叔侯曰虞虢焦滑霍揚韓魏皆姬姓也昭公二十六年傳王子朝曰武王成康並建母弟以蕃屏周亦曰吾無專享文武之功昭公

二十八年傳昔武王克商光有天下其兄弟之國者十有五人姬姓之國者四十人皆舉親也

荀子儒效篇周公立七十一國姬姓獨居五十三周之子孫苟不狂惑者莫不為天下之顯諸侯

史記漢興以來諸侯年表周封五等公侯伯子男然封伯禽康叔於魯衛地各四百里親親之意褒有德也太公子齊兼五侯地尊勤勞也武王成康所封數伯而同姓五十五地上不過百里下三十

里以輔衛王室

謹案周同姓之封最廣左氏云姬姓四十人荀子儒效篇稱周公立七十一國姬姓獨五十三人焉史記謂同姓五十五國殆武王克商其始受國者止四十人而周公成康俱有所增益歟三代之時天子之號為王而子弟之封者為侯秦漢以後天子之號為帝而子弟之封者為王杜佑通典云漢爵二等曰王曰侯王子而封為

王者實古之諸侯也故謂之諸侯王然則三代之諸侯與今之王雖爵名不同而實則一也故表於三代首列諸侯以當今之親王云

周禮地官載師以家邑之田任稍地以小都之田任縣地以大都之田任疆地鄭康成注家邑大夫之采地小都卿之采地大都公之采地王子弟所食邑也賈公彥疏春秋之義言弟者皆王之同母弟則母弟與王之庶子與公同食百里地在疆稍

疏者與卿同食五十里地在縣又疏者與大夫同食二十五里在稍

禮記王制孔穎達疏王之子弟有同母異母有親疏之異親寵者封之與三公同平常者與六卿同疏遠者與大夫同

謹案周初分封同姓以為諸侯至後王子弟不得封于畿外而于畿內予之采地其制雖不可詳考而見于先儒之說者如此蓋周初諸侯皆

佐文武定天下者故封為列國使之傳世相襲
此即今日由軍功王者世襲罔替之義後王子
弟授采邑於畿內而以三等為隆殺之差此即
今日由恩封王者以次遞殺之義也

白虎通樂記曰武王克殷反商下車封夏后氏之
後於杞殷人之後於宋封王子比干之墓釋箕子
之囚天下太平乃封親屬者示不私也即不私封
之何普天之下莫非王土率土之濱莫非王臣海

內之衆已盡得使之不忍使親屬無短足之居一人使封之親親之義也以尚書封康叔據平安也王者始起諸父昆弟與已共財之義故可與共土一說諸父不得封

秦

未置

史記秦始皇本紀二十六年秦初并天下丞相綰等言諸侯初破燕齊荆地遠不為置王毋以鎮之請立諸子始皇下其議羣臣羣臣皆以為便廷尉

李斯議曰周文武所封子弟同姓甚衆然後屬疏
遠相攻擊如仇讐周天子弗能禁止今海內賴陛
下神靈一統皆為郡縣諸子功臣以公賦稅重賞
賜之甚足易制天下無異意則安寧之術也置諸
侯不便始皇曰廷尉議是分天下以為三十六郡
郡置守尉監

謹案秦爵二十十九關內侯二十徹侯但以賞
有功而不以封同姓子弟其諸子自太子以外

或號為君如安國君是也或但稱公子如公子
將閭公子嬰是也

漢

荀悅漢紀高帝紀六年春正月丙午立劉賈為荆
王王五十三縣高帝兄弟四人長曰伯早卒追號
曰武哀侯封子信為刮羹侯次兄曰喜字仲立仲
為代王弟曰交從上征伐有功立交為楚王長庶
子肥為齊王王七十縣武帝紀元朔二年正月令

諸侯王得以邑土分子弟于是藩國子弟畢侯矣
平帝紀元始元年立故東平王雲太子開明為王
孫故桃鄉頃侯子成都為中山王封宣帝元孫信
三十六人為列侯自漢初至此王子侯者凡四百
八十人令諸侯王關內侯列侯無子有孫者若同
產子皆得為嗣

漢書諸侯王表漢興之初懲亡秦孤立之敗于是
割裂疆土尊王子弟大啟九國武帝施主父之策

下推恩之令使諸侯王得分戶邑自封子弟不行
黜陟而藩國自析自此以來皇子始立者大國不
過十餘城

蔡邕獨斷漢興以皇子封為王者得茅土其他功
臣及鄉亭他姓公侯各以其戶數租入為限不受
茅土亦不立社也漢制皇子封為王者其實古諸
侯也周末諸侯或稱王而漢天子自以皇帝為稱
故以王號加之總名諸侯王子弟封為侯者謂之

諸侯

西京雜記梁孝王入朝與上為家人之讌乃問王
諸子王頓首謝曰有五男即拜為列侯賜與衣裳
器服王薨又分梁國為五進五侯皆為王

三輔黃圖漢儀冊封諸王必於祖廟冊命之示不
敢專也

王應麟玉海高祖羹頡侯信等三人高后朱虛侯
章等三人孝文管共侯罷軍等十四人景帝平陸

侯禮等七人武帝一百七十八人元朔元年前十
三人茲侯明等至淮陵侯定國元朔二年後一百
六十五人梁共王子張梁侯仁一人菑川懿王子
龍邱侯代等十三人又諸王子元侯何等四人城
陽共王子雷侯旻一人東莞侯吉等十二人又頃
王子昌侯麥二十人趙敬肅王子尉文節侯丙等
十八人又六人不得封年中山靖王子廣望節侯
忠等二十人廣川惠王子蒲領侯嘉等四人又

又二人不得封年又繆王子井侯甘等二人河間
獻王子平城侯禮等十人又一人不得封年濟北
正王子安陽侯樂等七人又式王子四人代共王
子离石侯綰等九人齊孝王子博陽侯就等十人
又一人不得封年魯共王子寧陽節侯恬等五人
長沙定王子路陵侯童等十一人衡山王子一人
膠東康王子皇虞侯建等三人

謹案玉海此條蓋約漢書王子侯表云河間獻

王子平城侯禮等十人又一人不得封年今考
表載河間獻王子自沈陽侯自為不得封年外
尚有茲侯明等十一人玉海云十人者誤又玉
海云濟北式王子四人今考表載五人四字亦
誤

後漢書百官志皇子封王其郡為國列侯所食縣
為侯國本注曰承秦爵二十等為徹侯金印紫綬
以賞有功大者食縣小者食鄉亭得臣其所食吏

民後避武帝諱為列侯武帝元朔元年令諸王得推恩分衆子土國家為封亦為列侯

謹案漢同姓封爵二等曰王曰侯而侯則有縣侯鄉侯亭侯之別漢書王子侯表凡封侯而非縣名皆鄉亭侯也高帝封植過制遂卒致叛亂其後下推恩之令而支庶畢侯班固作王子侯表稱其建業承序以廣親親考其實則藉以銷其尾大之釁意不在乎展親也當時作左官之

律設附益之條抑損減黜科禁日嚴夫始則縱以驕奢繼則多其猜忌豈非立法之未善哉

漢書文帝本紀四年五月復諸劉有屬籍家無所與元帝本紀初元元年夏四月賜宗室子有屬籍者馬一匹至二駟成帝本紀建始元年二月賜宗室有屬籍者錢帛各有差

謹案漢時宗室疏屬其推恩之令見于史者如此特希闊一時之舉與今宗室月有養贍歲有

祿米其恩意之厚薄迥殊矣

後漢書光武帝本紀建武十三年二月丙辰詔曰
長沙王興真定王得河間王邵中山王茂皆襲爵
為王不應經義其以興為臨湘侯得為真定侯邵
為樂成侯茂為單父侯其宗室及絕國封侯者凡
一百三十七人丁巳降趙王良為趙公太原王章
為齊公魯王興為魯公○十五年封皇子輔為右
翊公英為楚公陽為東海公康為濟南公蒼為東

平公為淮陽公荆為山陽公衡為臨淮公焉為左
翊公京為琅瑯公十七年進右翊公輔為中山王
其餘九國公皆即舊封建爵為王

謹案兩漢宗室之封有王有侯惟建武十三年
降封趙等三國為公光武諸子初封亦為公而
同姓子弟無為王者至十七年諸子皆進爵為
王趙王良傳建武十三年降為趙公後薨子節
王栩嗣至齊魯二王傳又不言降封蓋亦皆子

十七年進爵矣

後漢書孝明八王列傳彭城靖王恭永平九年賜

號靈壽王樂成靖王黨永平九年賜號重熹王

章懷

注取其美名也東觀記曰賜號未有國邑也

謹案漢諸王皆以郡為國惟後漢靈壽重熹二
王初皆以美名為王號其後乃建為國此後世
以美名為王號之始

後漢書東平王蒼列傳永平十一年帝遣使手詔

賜國中傅曰今送列侯印十九枚諸王子年五歲
以上能趨拜者皆令帶之

後漢書孝順帝本紀永建元年正月甲寅詔宗室
以罪絕者皆復屬籍

洪适隸續中山相薛君成平侯劉君斷碑趙氏誤
以劉君為成平侯相詳其額初無相字此蓋王子
侯也西京列侯其傳國皆有世次東京枝葉既不
繁而史筆又簡畧其書于策者不過如東海王傳

云王第二十二人皆為列侯爾

三國

三國蜀志二主妃子列傳劉永先主子後主庶弟
章武元年六月立永為魯王建興八年改封甘陵
王劉理亦後主庶弟章武元年六月封為梁王建
興八年改為安平王

三國魏志文帝本紀黃初三年三月乙丑立齊公
叡為平原王帝弟鄢陵公彰等十一人皆為王初

制封王之庶子為鄉公嗣王之庶子為亭侯公之庶子為亭伯

三國魏志武文世王公列傳魏世王公既徒有國土之名而無社稷之實又禁防壅隔同于囹圄位號靡定大小歲易

魏文帝改封諸王為縣主詔先王建國隨時而制漢祖增秦所置郡至光武以天下損耗并省郡縣以今比之益不及焉其改封諸王皆為縣主

謹案曹魏猜防宗室裴松之謂公國徒有老兵百餘人以衛其國又設防輔監國之官以伺察之王侯皆思為布衣而不得則涼薄寡恩莫甚於此惟定庶子遞降之制為能監前代而得損益之宜故晉因之而不變焉

三國吳志吳主權列傳太和元年正月立故太子和為南陽王居長沙子奮為齊王居武昌子休為琅瑯王居武林宗室列傳孫皎子允封丹陽侯孫

與封沙羨侯孫賁封都亭侯子隣進封都鄉侯孫
翊子松為都鄉侯孫韶封建德侯孫楷臨城侯孫
桓封丹徒侯

晉

杜佑通典晉亦有王公侯伯子男六等之封惟安
平公享萬戶制度如魏諸王其餘縣公邑一千八
百戶地方七十五里大國侯邑千六百戶地方七
十里次國侯邑四千戶地方六十五里大國伯邑

千二百戶地方六十里次國伯邑千戶地方五十里大國子邑八百戶地方五十里次國子邑六百戶地方四十里男邑四百戶地方四十里武帝受禪之初封建子弟為王二十餘人以郡為國邑二萬戶為大國置上中下三軍兵五千人邑萬戶為次國置上軍下軍兵三千人邑五千戶為小國置一軍兵千五百人王不之國官於京罷五等之制咸寧三年詔徙諸王公皆歸國更制戶邑非皇子

不得為王而諸王之支庶皆皇家之近屬至親亦各以上推恩受封其大國次國始封王之支子為公承封王之支子為侯繼承封王之支子為伯小國始封王之支子及始封公侯之支子皆為男非此皆不得封大國始封之孫罷下軍曾孫又罷上軍次國始封子孫亦罷下軍其餘皆以一軍為常大國中軍二千人上下軍各千五百人次國上軍二千人下軍千人其未之國者大國置守土百人

次國八十人小國六十人郡侯縣公亦如小國
冊府元龜西晉諸王皆主兵臨州以威勢相陵干
戈並構墜于屠滅蓋有漸爾

謹案晉本紀泰始元年封王二十七人六年立
皇子為王咸寧三年又立齊王子二人為王蓋
鑒于魏之脔削宗室而侈廣其制如此當時許
其自選官屬而王家人衣食御府別給之其寵
異之者甚至不旋踵而諸王操戈相向以至亂

亡劉宏傳所謂災難延于宗子自載籍以來骨肉之禍未有若此之甚者非獨惠帝不君威權下移實由封植太過權力相軋以釀其釁蓋矯慕封建之虛名未有不受其禍者也

宋齊梁陳

通典宋氏亦用晉制惟大小國皆有三軍凡王子為侯者食邑皆千戶

通典梁封爵亦如晉宋之制

南史梁武帝諸子列傳昭明太子統長子東中郎
將南徐州刺史華容公歡封豫章郡王次子枝江
公譽封河東郡王曲江公譽封岳陽郡王

謹案通典謂宋封爵如晉制又謂梁如晉宋之
制然晉時諸王支庶備有五等之封而宋梁自
王以下見於史者惟王子侯而已此外惟梁時
昭明太子諸王嘗封公而他未有聞焉

冊府元龜陳因梁制有親王嗣王藩王之制親王

起家則為侍中皇太子冢嫡封王起家依諸王餘
子並封公起家中書郎諸王子并諸侯世子起家
給事江左承西晉諸王開國並以戶數相差為大
小三品陳自永安訖于禎明惟衡陽王昌特加至
五千戶其餘不過二千小國至千戶

謹案宋齊二代猜忌骨肉諸王出鎮受制典籤
梁武鑒于前政優假諸子事力雄強然或坐視
君父之難或自構蕭牆之兵幾與西晉八王無

異考其立國實多慙德本實已搖徒欲廣樹屏藩終不足為維城之固而封建之無益亦可睹已

北魏

通典後魏道武皇始元年始封五等至天賜元年減五等之爵始分為四曰王公侯子除伯男之號皇子及異姓元功上勲者封王皇族及始藩王皆降為公諸公降為侯子亦比為差王封大郡公封

小郡侯封大縣子封小縣其後復加伯男焉

謹案魏時同姓之封自王侯以外見于史者如
紇羅封上谷公悉封襄陽公元英賜爵廣武伯
陵封襄邑子弼封廣川子比干封吉陽男之屬
班班可見其封王者皆以嫡子繼襲其封公侯
者在國初則為疎遠之族其後亦皆藩王之支
庶大約與宋齊之制不殊但宋齊王子侯皆出
于展親之恩而魏時宗室五等之封多出于酬

勲之典也

北齊

通典北齊有王公侯伯子男六等之爵王位列大
司馬上非親王則在三公下封內之調盡以入臺
三分食一公以下四分食一

謹案北齊同姓之封自王以外見于史者平秦
王歸彥以功別封長樂郡公又有建國子伏護
建國侯又若趙郡王琛初封南趙郡公清河王

岳初封清河郡公及廣平公盛陽州公永樂則受封皆在魏世也

後周

周書明帝本紀武成元年正月封大將軍章武孝公導子亮為永昌公翼為西陽公九月進封輔成公邕為魯國公安成公憲為齊國公秦郡公直為衛國公正平公招為趙國公封皇弟儉為譙國公純為陳國公盛為越國公達為代國公通為冀國

公適為滕國公進封天水郡公廣為蔡國公武帝
本紀保定元年四月封孝閔皇帝子康為紀國公
皇子贊為魯國公建德三年正月冊柱國齊國公
憲衛國公直趙國公招譙國公儉陳國公純越國
公盛代國公達滕國公適並進爵為王二月紀國
公康畢國公賢鄴國公貞宋國公實漢國公贊秦
國公贄曹國公允並進爵為王

謹案後周初無王爵雖皇子止封公至建德三

年而文帝以下諸子皆進爵為王惟疎遠者尚
為公爵若同姓侯伯子男之封則未有見于史
者宇文導初封饒陽縣伯其受封在魏世也

隋

通典隋開皇中制國王郡王國公郡公縣公侯伯
子男凡九等至煬帝惟留王公侯三等餘並廢之
皇伯叔昆弟皇子是為親王

謹案隋宗室封爵等差不見于史疑亦畧如晉

宋之制也

唐

通典大唐高祖初受禪廣封宗室從弟及姪年始
孩童者數十人皆封為郡王太宗即位問侍臣曰
徧封宗子于天下便乎尚書右僕射封德彞對曰
不便歷覽往古封王者今日最多兩漢以降惟封
帝子及親兄弟若宗室疎遠者非有大功並不得
濫叨名器所以別親疎也先朝敦睦九族一切封

王爵命既崇多給力役蓋以天下為私殊非至公
馭物之道也太宗然之于是率以屬踈降等惟有
功者數人得王餘並封縣公貞觀二年十二月始
議列土之制特進魏徵議曰自隋氏亂離百殃俱
起黎元塗炭十不存一始蒙聖帝數至仁以流元
澤沐春風而沾夏雨一朝棄之為諸侯之隸衆心
未定或致逃亡其未可一也既立諸侯當建社廟
禮樂文物儀衛左右頓闕則理必不安粗修則事

有未暇其未可二也大夫卿士咸資祿俸薄賦則
官府困窮厚斂則人不堪命其未可三也王畿千
里征稅不多至于貢賦所資在侯甸之外今並分
為國邑京師府藏必虛諸侯朝貢無所取給其未
可四也今燕秦趙代俱帶蕃夷黠羌旅拒匈奴未
減追兵內地遠赴邊庭不堪其勞將有他變難安
易動悔或不追其未可五也十一年六月詔荆王
元景等二十一王為諸州都督刺史咸令子孫代

代承襲非有大故無或黜免其後並不願行乃止
後定制皇兄弟皇子為王皆封國謂之親王太子

男封郡王

新唐書荆王元景列傳貞觀十一年詔荊州都督
荆王元景梁州都督漢王元昌徐州都督徐王元
禮潞州都督韓王元嘉遂州都督彭王元則鄭州
刺史鄭王元懿絳州刺史霍王元軌虢州刺史虢
王元鳳豫州刺史道王元慶鄧州刺史鄧王元裕

壽州刺史舒王元明幽州都督燕王靈夔蘇州刺史許王元祥安州都督吳王恪相州都督魏王泰齊州都督齊王祐益州都督蜀王愔襄州刺史蔣主惲揚州都督越王正并州都督晉王治泰州都督紀王謹所任刺史并功臣令世襲會長孫無忌等固辭遂廢不行

劉肅大唐新語武德中以景命維新宗室猶少至三從弟姪皆封為王及太宗即位問羣臣曰遍封

宗子於天下便乎封德彞曰不便歷觀往古封王者當今最多兩漢以降唯封帝子及兄弟若宗室疎遠者非有大功如周之郇滕漢之賈澤並不得濫居名器所以別親疎也太宗曰朕為百姓理天下不欲勞百姓以養已之親也于是疎屬悉降爵為公

謹案唐初議復古封建或可或否人持一說蕭瑀直欲裂土而封李百藥則欲俟刑措之教一

行登封之禮云畢然後定疆理之制議山河之賞
顏師古欲分置王國不得過大間以州縣錯雜
而居馬周謂宜賦以茅土疇其戶邑必有行材
隨器方授皆屬調停之見惟魏徵議以為非便
其言可謂切中故節錄其文著于篇以見古法
之不可泥也

新唐書太宗本紀貞觀十一年六月己未以諸王
為世封刺史十三年二月庚子停世封刺史

謹案唐太宗以諸王為世封刺史未二年而罷則其事之難行太宗亦自知之矣至代宗時大臣奏議請封諸王分領戎帥以威天下此乃無其實而徒務其名非惟難以為屏翰亦不足鳩厥宗矣

冊府元龜唐制皇弟兄皆封國謂之親王王之子承嫡者謂之嗣王皇太子諸子並封郡王王子承恩澤者亦封郡王諸子封郡公其嗣王郡王特進

王子孫承襲者降封國公

謹案唐時宗室之封為二等曰王曰公而王與公又各為二等曰親王曰嗣王曰國公曰郡公
詳見唐書宗室世系表茲不具論

玉海太和四年七月賜十六宅諸王綾絹二萬疋
以內庫充開成二年五月壬申幸十六宅宴諸王
三年四月甲午亦如之頒賜有差四年六月庚申
幸十六宅宴樂賜錢

新唐書宗室世系表唐有天下三百年子孫蕃衍
可謂盛矣其初皆有封爵至其世遠親盡則各隨
其人賢愚遂與異姓之臣雜而仕宦至或流落于
民間甚可歎也

謹案唐宗室疎遠者與異姓之臣雜而仕宦甚
至流落民間皆立法未善之所致也我

朝宗室員額不與庶姓相雜其未仕者

皇上又皆特給品秩展親之典憂絕往代矣

五季

冊府元龜五代之制大抵遵於唐室

章如愚山堂考索五代宗室諸王大率不能傳世
漢周則多追封

謹案五代短祚諸王率鮮傳世故王子侯亦無
見于史者

宋

宋史職官志列爵九等曰王曰郡王曰國公曰郡

公曰縣公曰侯曰伯曰子曰男分國三等大國二十次國二十小國二百二十

文獻通考諸侯王與列侯皆以嫡子嫡孫世襲其所受之封爵苟非有罪者與無後者則爵不奪而國不除此法漢以來未之改也至唐則臣下之封公侯者始止其身而無子孫襲封者然親王則子孫襲封如故雖所謂茅土食邑多為虛名然始所封之國與爵則父歿子繼世世相承宋皇子之為

王者封爵僅其身而子孫無問嫡庶不過承蔭入
王宮為環衛官廡車節鉞以序而遷如庶姓貴官
蔭子入仕之例必須歷任年深齒德稍尊方特封
以王爵而其祖父所受之爵則不襲也國朝會要
載慶厯四年七月制封宗室乃以皇叔馮翊郡公
德文為東平郡王皇兄允讓為汝南郡王皇弟允
良為華原郡王皇姪從謁為潁國公從煦為安國
公宗說為祁國公昭成太子孫宗保為建安郡王

華王孫宗達為恩平郡王邢王孫宗望為清源郡王自燕王薨而祖宗之後無有封王爵者至濮安懿王以英宗之故安定郡王以藝祖之故方令世襲然又不以昭穆相承嫡庶為別每嗣王沒則擇本宗直下之行尊者承襲于是濮安懿王有二十七子而得嗣封者七人四十六孫而得嗣封者亦七人蓋嗣濮王凡十四人纔更兩代耳嗣安定郡王凡二十七人纔更四代耳此例亦古所無也

玉海太平興國七年七月十三日甲午封皇子衛
王廣平郡王同日拜平章事八年十月戊戌改皇
子名已酉封元佐楚元僖陳真宗韓元份冀元傑
益十一月甲寅詔宰相序立在親王上以諸王年幼欲
知謙損之道端拱元年二月二十三日封元偓等
國公邑一千戶

謹案宋爵九等而宗室之封見於通考者有王
郡王國公郡公縣公侯六等然爵不世襲恩不

旁推其恩誼視前代為尤薄其有予以世襲者則又不以子孫相承而以行尊者序繼乖倫序而亂昭穆為自古未有之繆制也

王海紹興二十七年正月詔侍從各舉宗室京朝官材識行治者二人特與召對

宋實錄景祐二年十一月乙未祀圓丘三聖並侑制詔宗室並轉官自諸司使以下至殿直並換西班官丙午宗室諸司使領刺史者十二人換諸衛

大將軍領團練使諸司使十九人換諸衛大將軍
內殿承制宗望已下百三十三人並為將軍率府
率副率用乙未赦書也先是宗子無遷官法及郊
祀侑三聖上表乞推恩故為此制舊自借職十遷
乃至諸司副使今副率四遷即遙領刺史八遷即
為節度使熙寧二年十一月甲戌十一日中書密院
議宣祖太祖太宗之子皆擇其後一人為宗世世
封公補環衛以奉祭祀祖宗祖免親將軍以下願

出官者聽應舉者依外官條例非袒免親更不賜
名授從之五年九月癸丑以令鑠為職方員外郎
宗正試換文資自令鑠始

宋史職官志宗室敘遷之制太子右內率府副率

轉太子右監門率府率

太子右監門率府率

轉右千牛衛將軍

右千

牛衛將軍

轉右監門衛大將軍

右監門衛大將軍

轉遙郡刺史

遙

郡刺史

轉遙郡團練使繼諸王後見

遙郡團練使

轉遙郡防禦使繼諸王後見

刺史

轉團練使

國公及特旨即轉

正團練使

封

刺史

轉團練使

轉防
禦使
防禦使

轉觀
察使

觀察使

轉節
度觀察
留後

節度觀察留

後

轉節
度使
特旨
轉
左右
衛上
將軍

左右衛上將軍節度使

轉節
度使

同中書門
下平章事

節度使同中書門下平章事

轉節
度使
兼侍中

節度使兼侍中

謹案此宋時宗室敘遷之制頗似今宗室奉恩

將軍以上以功遞加之法然宋時宗室雖王公

皆以官敘遷今奉恩以上四等將軍與王公同

為封爵其制又不同也

遼

遼史皇子表德祖子安天保初以功王東丹國賜
號明王皇族表遼太祖建國諸弟窺覲舍容誘掖
弗忍致辟古聖人猶難之雖其度量恢廓然經國
之慮遠矣終遼之世其出于橫帳五院六院之間
者大憝固有元勲實多

謹案遼時有國王郡王而又有兼封二國者如
表所載景宗子隆慶進王秦晉之類亦古所未

有後世惟金海陵父宗幹嘗封梁宋國王此外
無封二國者矣

金

金史百官志金自景祖始建官屬統諸部以專征

伐其官長皆稱曰貝勒

滿洲語管理衆人之稱原作孛極烈今改正

太祖以都貝勒嗣位太宗以安班

滿洲語安班大臣也原作諸版

今改正貝勒居首安班尊大之稱其次曰固倫

滿洲語國

也原作國

呼嚕

滿洲語手背也原作忽魯今改正

貝勒固倫言貴

呼嚕言總帥也又有固倫貝勒或左右置所謂國

相也其次諸貝勒之上則有英實滿洲語宴也原作乙室今改正

呼嚕伊喇滿洲語泰也原作移賚今改正愛滿滿洲語部落也原作阿買今改正

愛實滿洲語利也原作阿捨今改正烏達滿洲語買也原作吳迭今改正之號以

為陞拜宗室功臣之序

謹案金太祖太宗之世諸子弟未有封王者熙

宗天會十三年始封宗翰為晉王宗磐為宋王

蓋宗翰功最高而宗磐為太宗適子太宗舍之

而立熙宗故首封之其初親子弟多為貝勒此
即今貝勒之號所自昉宗翰由固倫右貝勒為
太保領三省事封晉王是王尊于貝勒正與今
位次相合而貝勒有安班固倫愛實之號等級
不同亦與今貝勒貝子等級相似又金自天眷以
後宗室封爵見于表者有國王郡王公三等至
奉國上將軍鎮國上將軍輔國上將軍皆從三
品武散官與今鎮國輔國奉國三等將軍專為

宗室封爵者不同然當時亦以敘遷宗室明時
宗室三等將軍其爵號實昉于此云

元

元史諸王表元興宗室諸王位號無稱惟視印章
以為輕重厥後遂有國邑之名而賜印之等猶前
日也

王圻續文獻通考元制封一字王者

按阿穆爾克
為魏王之類

金印獸鈕兩字王者

按托歡為鎮
南王之類

金印螭鈕次有

金印駝鈕金渡銀印駝鈕金渡銀印龜鈕有止用
銀印龜鈕等級不同如此又同姓有無爵邑而稱
王者但曰宗王

謹案元時諸王各有分地歲使人至京師受歲
賜其王爵既得傳世相襲而諸王之支庶亦多
封為王者但元史疎畧其制度不可詳考耳

明

明史諸王列傳明制皇子封親王制授金冊金寶

祿歲萬石府置官屬護衛公侯大臣無敢鈞禮親
王嫡長子年及十歲則授金冊金寶立為王世子
長孫立為世孫冠服視一品諸子年十歲則授塗
金銀冊銀寶封為郡王嫡長子為郡王世子嫡長
孫則授長孫冠服視二品諸子授鎮國將軍孫輔
國將軍曾孫奉國將軍四世孫鎮國中尉五世孫
輔國中尉六世以下皆奉國中尉其生也請名其
長也請婚祿之終身喪葬予費親親之誼篤矣

明會典親王分封其推恩則有郡王鎮國將軍輔
國將軍奉國將軍中尉之差等萬厯七年定例親
王之子例封郡王若以支屬嗣者自後長子襲封
親王外餘子仍照原封世次授以本等爵級不得
冒濫郡王爵郡王無子兄弟及兄弟之子不得請
襲違者為冒封

謹案明太祖募古封建之制擇名城大都以王
諸子若秦西安晉太原燕北平皆臨要衝之地

環邊萬里匝于三陲自以為磐石之安矣然一
傳而靖難兵起遂至奪宗自是以後過為防維
諸王就國郡邑吏得持其短長至其宗支繁衍
歲祿猥多竭天下之賦不足以供過時不給以
致宗人聚謀焚署毆官諸宗命名請婚胥吏得
以邀索貧者無以應則沈攔不行婚嫁失時愁
怨載道又多取隱僻不祥之字為之制名以寓
姍笑禮部明知其然而無策以除其弊明政之

不綱於此可見矣我

國家敦睦宗親

思明誼美諸王之銘勲王室者皆延世無窮矣

恩澤啟封者則以次降襲用以辨等差而昭獎勸至

閒散宗室月有贍養之銀歲有祿米之給婚喪

嫁娶特加

恩賜我

皇上篤念宗親凡貝勒以下之降襲者皆設為定制

令得常保世封又

念睿忠親王有贊翊之功

特命配享

廟庭追謚續封而豫親王肅親王鄭親王克勤郡王子
孫亦皆復其原封之號以彰舊烈其果親王等
之以罪廢者亦並復其屬籍

恩意尤為優渥近復定親王之子給以一品章服郡
王貝勒以下以次遞推又

詔普給宗室冠帶優加職級新正

賜宴

乾清宮

賞賚豐渥又廣宗室御史及

陵寢官員額令咸得以才自効立法之周詳盡善有非
三代以後所可幾及者矣

欽定歷代職官表卷六十四